





文潞公文集卷第二十九

黃年書

信奏議

乞兵部廂軍密院置籍

元祐二年

兵部置籍

臣以樞密院應內外廂禁軍自來並係密院置籍所管今以新制並不管廂軍皆送尚書兵部且密院謂之本兵之府豈可內外五十萬廂軍却無籍拘管緩急出軍行帥廂禁皆用况廂軍不獨用於諸般營造雜役兼自來如廣南槍手綱丁及諸州鄉兵亦是密院有籍欲乞令密院祇於兵部取索廂兵等人數於兵籍房置簿拘管逐年揭帖常見實數亦不煩費緩



急差使易為照會即不妨尚書兵部依近制主管取  
進止

奏戶部事

元祐二年

臣以戶部尚書乃昔之三司使之任掌邦計財賦出入無不同知則國用取濟今當以昔之三司使之任悉歸戶部財賦盈虛可以經制不誤大計自尚書侍郎以下慎選而久用之庶幾集事尚書侍郎即是三司使副之職郎中員外乃昔之判官之職此國之大計乞蚤留聖意

奏除改舊制

元祐二年

臣近面奉聖旨自來除授官職次序一本進呈臣今略具除改舊制節目如後

吏部尚書選人兩任親民有舉主陞通判通判兩任滿有舉主陞知州軍此已上叙陞今謂之常調知州軍有績効或有舉薦名實相副者特擢陞轉運使副判官或提點刑獄府推判官今謂之出常調轉運使有路分輕重遠近之差河北陝西河東三路為重路歲滿多任三司副使或任江瀧都大發運使發運使任滿亦充三司副使成都路次三路任滿亦有充三司副使或江瀧發運使任滿充三司副使京東西瀧



南又其次江南東西荆湖南北兩浙路又次之二廣  
福建梓利益路為遠小已上三等路分轉運使副任  
滿或就移近上次等路分或歸任省府判官漸次擢  
充三路重任以至三司副使內提點刑獄則不拘路  
分輕重除授轉運使副省府判官或遂急籍才差知  
大藩鎮者其歸亦多任三司副使或直除脩撰待制  
者

三司副使歲滿即除待制有本官是前行即中少卿  
或除諫議大夫者有資淺而除集賢脩撰充都轉運  
使後亦除待制

三院御史舊制多是兩任通判已上舉充歲滿多差  
充省府判官或諸路轉運副使累遷至三路歲充三  
司副使又歲滿除待制御史或言事稱職公論所推  
即非次拔擢繫自特恩

正言司諫自來邊擢無定制或兼帶館職文行著聞  
或議論識體方正敢言朝廷所知臨時不次擢用本  
無常法三館職事本育才待用之地例當在館久任  
其間資地人品素高者除脩起居注即今起居遇知

制誥有關即試補即今中書舍人

已上並舊制甄別資品履歷次第除注之法與今來



官制或事異而大同更乞與三省參詳進呈

奏夏國事

元祐二年

中外臣僚上言夏國受朝廷封冊恩禮極優錫賚尤厚而敢忘恩背惠輒行公牒傳達疆吏自絕于天不脩貢奉天地所不容人神所共怒乞行天討以正有罪欲乞降詔邊帥及出勅榜以諭中外若朝廷姑務息民推天地之大德曲示含容抑群情之怒忿不與醜羗計較即乞明諭邊臣嚴加守備靜以待之必取全勝所有朝廷續遣大兵且令分屯次邊州軍以備緩急邊上旬抽

進無逸圖

元祐二年

臣伏觀周公作無逸以戒成王後代聖君皆奉為至戒以成治化以克永世臣又觀唐史見宰相崔植對穆宗云玄宗初得姚崇宋璟為宰相二人者夙夜孜孜致君以道璟嘗手寫尚書無逸一篇為圖以獻玄宗置之內殿出入觀省記念在心每歎古人至言後代莫及故任賢戒欲心歸中漠開元之末因無逸圖朽壞始以山水圖代之自後既無座右箴規又信姦臣用事天寶之末稍倦於勤王躬於斯缺矣今陛下虛心求治伏望以無逸為元龜穆宗善其對臣恭惟



皇帝陛下聰明稽古嚮學思間月御邇英延儒臣  
講讀經史臣又觀邇英北壁有仁祖朝講官王洙所  
寫無逸圖臣慮禁中或未有此圖輒敢寫錄四軸并  
一卷上進望於殿內張掛置於几案以便聖覽臣愚  
不勝區區之至

奏吏戶刑部官久任

臣伏觀先朝復尚書省六部二十四司欲其分治職  
事悉如唐制臣竊以尚書省吏部典選戶部掌邦計  
刑部主國法此三部最為重而侍郎即中員外多不  
久任遷轉頻數未熟本部職事已見遷改必致胥吏

遷

乘隙作弊行遣迺滯臣欲乞三部郎中員外須令並  
滿四年理為兩任逐任與陞資序立為定制經久遵  
行內吏部戶部司封司勳考功度支金倉部亦須再  
任與逐任陞資上件三部郎官佐本部長官主判逐  
曹任官材掌邦計主國法皆是國之重事伏望聖慈  
詳察蚤賜施行

奏疎決刑獄元祐三年

臣今日蚤延和殿奏為聖閱兩二十二日御殿疎決  
決禁繫罪人當日降雨尚恐外處州縣有未雨足  
處乞下逐路監司令分巡部下州軍催促刑獄疾速



斷放免有寃滯因錄先朝御批劄子進呈奉聖旨令  
進入

奏中外官久任事

臣以中外任官移替頻速在任不久有如驛舍無由  
集事何以致治故累曾上言乞中外官各令久任須  
滿資考近日以來遷改尤為頻數蓋由風俗躁競例  
欲速遷執政者或避怒謗不能鎮靜欲望中外治安  
未可期也臣欲今後凡差除中外官並具見在任官  
年月滿未滿須令任滿方得交替如是急速籍才須  
要其人則不拘此制其任滿得替之官須具在任實  
有勞績方與照會合關陞差遣所貴官吏自此不敢  
苟簡欲速百職自然脩舉取進止

臣累曾上言以吏戶刑部官屬主大選大計刑  
罰并外任監司及親民之官並須久任此繫朝  
廷致治之本不可忽也今乞與三省更申明祖  
宗舊法遵守施行

奏監司舉官事

臣竊見諸路監司及州郡帥守薦舉部下官吏但務  
極稱才行不考實狀其間多徇告囑頗誤擢用臣乞  
今後凡薦舉官並於舉狀內直具在任的確明白事



迹及本人素來行實為衆所稱方與上簿記錄或有  
任用更加詳察取進止

奏坊監草地令百姓出租  
元祐

臣竊知太監儀在京院坊監牧馬草地其間甚有自

來水占牧馬不到去處係人戶斷撲租佃客貧民採

捕蒲魚種植逆竊入城貨賣以資口食今聞太僕寺

為係牧馬地內一例勾收入官臣聞得本寺官及供

到細狀稱上件水占牧地可以依舊令人斷課租佃

濟貧民並無妨闕况今來下民艱食之際伏望聖慈

特降指依令舊出課租撲以紓近京貧下之民取聖

旨

奏鬼章事  
元祐

臣以謂始禽鬼章於法便當誅戮朝廷推天地大恩

貸其性命兼欲係其二子之心使感國恩不為邊患

則西邊事簡兵屯可減用度亦省今因阿里骨使人

既來若令一見鬼章即其子信其父在若更與補

至下虛名使與李賒羅抹同日遊寺燒香寺庭之間

遙遠一見亦不能通傳言意即羅抹歸具言相見之

所則結喉捉等深信父在尤當感恩或謂鬼章有罪

之人難虛名小官亦不可授且如西賊李崇貴誘殺



保安知軍楊定其後秉常執送崇貴來先朝亦貸其命授以官李繼捧與繼遷叛與大兵討伐生擒繼捧來獻亦貸之授上將軍封宥罪侯此並是前朝推恩之例如此甚多若李賒羅抹到京數月不見鬼章歸番之後結唃捉等必切詢其父之所存却云並不曾見即結唃捉必疑其父亦被誅戮他日鬼章以病故其子亦必不信豈不深恨非時點集所部於熙蘭側近作過或堅求夏賊與之合縱分右秦鳳之界作過即西邊兵屯未可減用度未可省亦須稍煩西顧然臣以謂令李賒羅抹一見鬼章於朝廷有何損屈而議者或堅謂不然即不知有何利害臣竊惑之蓋昨日簾前臣具以此議上對亦屢聞德音以此為便後於都堂又集議却聞猶有遲疑未即奉詔者伏乞聖慈詳諸臣議蚤賜從長處分

如陪戎校尉之類乃九品武階又無請受向時多是諸州牙校授之結唃捉初亦知其父上京不戮又劉舜卿亦以委曲報結唃促云鬼章見在東京照管甚厚今李賒羅抹歸番却云不見鬼章其子豈不疑恨即朝廷貸鬼章之命都無所濟



又

臣於二十七日上劄子言鬼章事必已付三省今晚  
密院人吏來呈文字云候第二番阿里骨使人來令  
見鬼章臣以謂終是令見鬼章何候後番兼第二番  
使回又須更四五箇月若前番使回云不見鬼章必  
是疑訝兼聞阿里骨第二番使人七月十日到闕欲  
且令第一番使候第二番人來令起發因而同見鬼  
章為便取進止

臣以謂議者不欲令見鬼章今又令候第二番  
使人來令見之終是令見又何須如此疑難若

諸臣必有的切議論利害分明臣安敢不從

奏知州通判理任

元祐三年

臣伏觀熙寧勅并元豐四年條貫內地知州通判知  
縣並以三年為一任此正合舜典三載考績之義甚  
為稽古之美法蓋親民之官久於其任則民安其政  
故漢唐以來郡太守或有善政則增秩賜金留以久  
任近觀元祐元年四月初旨知州通判並以三十箇  
月為一任臣以謂三年為一任不為稽古之美法乃  
先朝之定命施於官政極以為便此必是吏部以在  
部守待知州通判待闕之官甚多少得近闕差注遂



欲促其年限殊不知雖時下差注得一番待闕之官  
即替回者却多待闕者却衆徒有更張並不濟事又  
非三載考績之義臣欲乞且遵用三年一任之法取  
進止

若通判以三十箇月為一任即五年成兩任便  
陞入知州則知州之闕轉多

文潞公文集卷第二十九

文潞公文集卷第三十

奏議

奏黃河事

熙寧四年

臣竊見朝廷指揮都水監令於黃河沙堤第四鋪開  
分水口分水入孫村口入故道以紓北流決溢墊溺  
之患水官以開第四鋪口恐水勢東流水猛下流舊  
堤久廢未甚完固且於第三鋪開口漸減水勢入孫  
村口故~~口~~今開第三鋪口所減黃河水勢東行已甚  
湍急乞速降指揮下大名府并恩州督責上下官吏  
日夕分頭赴河上昭管橫隄順水隄金新隄及二股



河下而恩州地分隄防並須完固勿令小有疎虞取  
進止

奏賜儒行中庸篇并七條事

太宗淳化三年二月詔以新印儒行中庸篇賜中書  
密院兩制三館御史中丞尚書丞郎給諫等人各一  
軸注先是御試進士日以儒行篇為論題帝意欲激  
勸士人敦脩儒行故特命雕印至是首賜新及第舉  
人孫何等次及宰輔近臣臺閣臣僚并銓司選人聖  
旨諭令依此脩身為治仍各於聽事所展掛終身遵  
奉之真宗大中祥符二年十一月帝作文武七條其

文臣七條曰一曰清心謂平心待物不為喜怒愛憎  
之所遷則庶事自正二曰奉公謂公直潔已則民自  
畏服三曰脩德謂以德化人不必專尚威猛四曰責  
實謂專求實效勿競虛譽五曰勤察謂勤察民情勿  
使賦役不平刑罰不中六曰勸課謂勸課下民勤於  
孝弟之行農桑之務七曰革弊謂求民疾苦而釐革  
之以賜京朝官任轉運使提點刑獄知州府軍監通  
判知縣者武臣七條一曰脩身謂脩飭其身士卒有  
所法則二曰守職謂不越其職侵抗州縣民政三曰  
公平謂均撫士卒無有徧四曰訓習謂教訓士卒勤



習武藝五曰簡閱謂閱觀士卒識其勤惰勇怯六曰存恤謂安撫士卒其苦皆同常使齊心無令失所七曰威嚴謂制馭士卒無使犯禁以賜節度使以下至刺史及諸司使以下任部署鈐轄知州軍縣監押駐泊巡撫者又以禮記儒行篇賜親民釐務文臣其幕職州縣官監務使臣仍並賜勅戒勵令崇文院刻板摹印送閣門分給之初帝謂輔曰群臣上殿者朕各以所職戒之漢制刺史以六條問事魏有五條晉有五條武臣有諸葛亮七戒朕昨著辭思以勗勵諸臣又先朝嘗賜近臣儒行篇可并以賜之八年利州路轉運使臧奎請令諸道州府軍監縣以所賜七條刻石或書于公署之廳壁從之

臣伏觀先朝賜臣僚儒行中庸篇及文武臣七條所以激勵士大夫脩飭行檢及中外臣僚謹奉官箴其出外任者朝辭日各賜一本仍令閣門丁寧宣諭凡在臣下靡不恭授而奉行慶曆中先朝以久罷賜七條儒行中庸篇嘗降詔書申明然而後來臣僚久不受賜無所警策至有士行不完進取無耻官守失職苟簡無功臣欲乞舉行此法依例於朝辭日閣門給賜及宣諭誠勵之臣愚以謂敦獎士類鎮靜風俗激



勸官吏治守忠廉斯乃為治之大本循致太平之道  
故敢竭此區區仰于宸聽庶裨聖政伏乞付外施行  
取進止

臣昔任河東路轉運使每巡按部下州縣守令  
廳事屏風並無書寫七條雖間有刻石者亦無  
幾又文字細暗難以朝夕披閱用為訓誡

進故事十門

元祐四年八月

臣伏以皇帝陛下聰明文思嚮學求治問目御邇英  
接儒臣講經義順考古道聖德日新臣得陪侍講筵  
實深慶幸今輒率愚筦之見於先朝所纂冊府元龜  
中帝王門類內節錄十門分為十卷上進以備乙夜  
之觀庶幾塵路之微粗裨聖德臣不任區區之誠

奏勤恤民隱事

元祐五年五月

臣於四月二十九日至西京見本京進奏官中狀錄  
報皇帝太皇太后詔書以歷時災旱宿變幾盡秋稼  
未立上軫聖念引咎歸已特減常膳有以見聖心焦  
勞得免湯罪已應天之義然臣尚在都下每見東西  
使命詢其雨澤稼穡次第多云近已得雨苗稼滋茂  
臣既出京到洛見綠路民田宿變秋稼悉如聖詔所  
及深慮向去小民艱食即聚為寇盜伏望嚴勅監司



覺察守令勤恤民隱勿致煩擾及督責巡檢縣尉屏除賊盜令境內清肅人戶安居救荒之政各在疚心諸事預防庶無後患

奏久旱乞不追擾事

元祐五年五月

臣聞化國之日舒以長蓋不奪民時不妨民力故曰力有餘而歲收有望臣竊以自春以來時雨愆亢人情惶惶謂必艱食至今月八日大雨霽霽庶民鼓舞急於田事老幼就功力穡有秋正在今日臣慮州縣親民之官不知農事之急以小小詞訟勾追證逮禁繫淹延至於隨司門留亦皆拘繫頗妨農作臣欲乞下諸路久旱郡縣當此農事急切之時民間小可訟訟鬪爭一切且罷追擾除事干人命及劫賊急竊公事即依常施行

奏西邊事

元祐六年八月

臣近得趙尚書云金城疆界未定止緣新壘侵占稍多虜情未易棄捨至今遷延若非朝廷堅守大信終始羈縻必恐再開邊隙民力豈易堪邪臣又見尚之奏草云宥州累牒稱蘭州等處將自来無人守把城寨設計暗差人騎守把却稱是元豐年脩築乃是昏賴之詞驗此南界邊官不欲復國與朝廷通好况延



州是自来有事計會之所今又一向就利自黨比等  
事情何處分雪若又一向固拒全不聽采夏國亦慮  
難盡臣子之節今來賊意已窮兼稱無處分雪必思  
作過此隙一開邊吏邀功之人乘間盜利冒味朝廷  
恩彼誠自甘其心生靈何所負耶臣重惜朝廷頃累  
年恩信一旦爭尺才之利而失安邊之大計臣詳趙  
高之奏甚切亦恐邊吏爭小利以邀功賞為國生事  
臣伏觀二聖臨御以來威撫夷狄皆得其心邊境不  
僻中夏安寧今來夏國有此赴訴趙高又有奏陳臣  
雖未知其詳伏望令三省熟計而審處之若事未明  
白未能便夾定可否聞且今趙高徐報之如唐郭元  
振之荅吐蕃論欽陵之請無直塞其來意且為計以  
緩之使其惡意不得頓萌亦御戎之中策也臣又料  
此賊計見朝廷以其恭順不疑其心自去冬今春以  
邊儲有限直罷西邊戍兵數萬即謂邊備已解恐乘  
此作過臣以謂不得不過慮也謹具奏聞



文淵公文集卷第三十一

進尚書孝經解

臣伏以皇帝陛下間日御迺英閣令講官講尚書又閣之南壁張孝經圖出入觀覽有以見陛下祖述堯舜憲章文武以至德要道孝治天下臣今輒於尚書諸篇中節錄十篇及孝經諸章中節錄六章進上以備禁中清閒之暇研究義味或時令講官節錄疏義進入上資聖德稽古求治之意臣伏讀尚書序云孔子生於周末覩史籍之煩文懼覽之者不一遂乃討論墳典斷自唐虞以下訖於周舉其宏綱撮其機要

臣伏讀另一篇前有引狀二字低兩格



典謨訓誥之文凡百篇所以恢宏至道示人生以軌  
範也帝王之制坦然明白以其上古之書謂之尚書  
然則後代聖帝明王莫不祖述賡為大訓恭以皇帝  
陛下聰明文思稽考古道日御通英延訪經義方命  
講官講解尚書孜孜不倦所以聖德日新比隆堯舜  
臣以叨侍經筵輒於尚書三十二篇采其切於資益  
聖治宜於重複溫故者凡十篇錄進篇別有後序所  
以發明本篇之大旨所異便於乙夜之觀

堯典

堯之聖德蕩蕩難名而此篇極簡要亦仲尼舉宏綱  
撮要之理如篇之所載者克明峻德以親九族平章  
百姓協和萬邦分命羲和典掌四時使民務農利用  
厚生允釐百工庶績咸熙斯皆後世聖帝明王所宜  
祖述而模範之臨文而三復之故摘其目以叙之

舜典

虞舜之德重華協帝故列于二典後世作者雖三王  
之盛不可及已篇之所載命禹作司空而下至于四  
岳十二牧官得其人庶績咸治流放共工驩兜竄三  
苗殛鯀四凶人而天下咸服故曰舜有大功二十茲  
所以重華協帝



大禹謨

禹稷臯陶共事舜帝君臣同寅咸有一德故矢厥謨  
成厥功曰俞曰都乃君唱臣和之美其謨則有后克  
艱厥后臣克艱厥臣罔遊于逸罔淫于樂任賢勿貳  
去邪勿疑罔咈百姓以從已欲斯皆上下交儆以成  
聖功舜禹之所以為聖帝明王以此

臯陶

臯陶曰允迪厥德謨明弼諧禹曰俞如何臯陶曰都  
慎厥身脩思永禹拜昌言曰俞臯陶曰在知人在安  
民知人則哲能官人安民則惠黎民懷之臣以舜禹  
之時君臣謨議之協恭後王所宜為法

益稷

此篇所載禹戒舜曰慎乃在位帝曰俞然禹言禹曰  
安汝止惟幾惟康帝曰吁臣哉鄰哉鄰哉臣哉禹曰  
俞帝庸作歌曰元首明哉股肱良哉庶事康哉又歌  
曰元首叢脞哉股肱惰哉萬事墮哉帝拜曰俞臣謂  
斯言可為深戒

伊訓

篇云嗚呼先王肇脩人紀從諫弗咈先民時若居上  
克明為下克忠惟上帝不常作善降之百祥作不善



降之百殃臣以尹之斯言愛其君忠於國可謂至矣  
有臣如此時君固當尊禮其人信受其訓

洪範

天地之大法其類有九而敬用五事曰貌言視聽思  
茲乃人君尤當慎思之蓋人君言動則左右史書之  
為法不可不慎也故臣以此篇五事為重

無逸

此篇周公以戒成王曰君子知其無逸先知稼穡之  
艱難文王不敢盤于遊田以庶邦惟正之供自今嗣  
王其無淫于觀于逸于遊于田故成王服其訓戒乃

為令王至唐開元中作無逸圖置於禁中出入省覽  
以為龜鑑臣亦嘗錄此篇為圖以進以助聖覽伏望  
曲留睿意

立政

周公告于成王曰王左右常伯常任準人自今立政  
其勿以儉人其惟吉士蓋有天下國家所切者任人  
得賢則治非賢則亂

周官

王曰若昔大猷制治于未亂保邦于永危唐虞稽古  
建官惟百夏商官備亦克用又明王立政不惟其官



惟其人又戒庶官欽乃攸司慎乃出令以公滅私民  
其允懷推賢讓能庶官乃不和政龐舉能其官惟  
爾之能稱匪其人惟爾不任成王稽古建官為治之  
本後之帝王所宜詳慎

奏孝經圖事

臣以官忝師保得侍邇英伏覩閣中有仁祖命學士  
蔡襄所書孝經圖張於南壁以便觀覽有以見仁祖  
孝德在躬推廣以及天下恭以皇帝陛下天資聖德  
行在孝經嘗聞令講官備錄經義進於禁中臣伏望  
陛下日省而時思之

又進尚書二典義劄子

臣伏覩尚書序曰仲尼討論墳典斷自唐虞以下訖  
於周所以堯舜二典為書之首篇垂世立教示人主  
以軌範帝王之制坦然明白可舉而行堯舜二典並  
云曰若稽古帝堯帝舜以謂二帝並能順考古道而  
行之乃知人主之聖必由稽古恭惟皇帝陛下日御  
經筵集講官說尚書蓋聰明文思稽考古道垂意於  
安天下之安天下幸甚臣以衰殘忝位保傳得侍經  
閣為幸已深又不自揆輒於二典之中采掇事義數  
條兼以訓傳或理有切近治體亦以愚短之議附之



庶幾粗有所補夫以齊之霸國而孟軻陳堯舜之道於齊主之前欲勉進之今臣遭堯舜之時陳堯舜之道固其宜矣臣愚不勝區區之誠謹錄以上進

堯典

堯典曰乃命羲和欽若昊天敬授人時羲和氏世掌四時之官臣某曰王者尊居億兆之上所敬而畏

者惟天為大故欽順之乃命官分職恭授民時分命

羲仲宅嵎夷曰暘谷平秩東作宅居也東表之地稱

嵎夷暘明也日出於谷而天下明羲仲居東方之官

平均次序東作之事以務也申命羲叔宅南交申重

也言夏與春交治南方之官所居平秩南訛至敬謂

化平叙南方化育之事故行其教分命和仲宅西日

昧谷平秩西成昧官也日入於谷而天下冥故曰昧

谷居治西方之官掌秋之政萬物收成故平序之以

助成物申命和叔宅朔方平在朔易在察也北稱朔

易謂歲改易於北方平均在察其政以順天常

臣某曰帝堯上以敬順天命下以恭授人時使

此羲和氏之四人各居其方以布四時之令春

序其農疇興作之功夏致其生物化育之事秋

秩其百穀成收之宜冬察其一歲豐儉之實吏

羲字至時字用雙行小注下凡下者同







上帝曰疇若予上下草木鳥獸僉曰益哉帝曰俞咨  
益汝作朕虞虞掌山澤之官帝曰咨四岳有能典朕  
三禮僉曰伯夷三禮天地人之禮也帝曰汝作秩宗  
主郊廟之官帝曰夔命汝典樂教胄子胄長也謂元  
子以下至卿大夫子弟以歌蹈之舞之教長國子中  
和祗庸孝帝曰龍朕墜讒說殄行震驚朕師聖疾殄  
絕震動也言我疾讒說絕君子之行驚動我衆汝作  
納言出納朕命惟允納言喉舌之官聽下言納於上  
受上言宣於下必以信帝曰咨汝二十有二人禹契  
蓋伯夷夔龍六人并四岳十二牧凡二十二人也

惟時亮天工各恭其職惟是乃能信立天下之功  
載考績三考黜陟幽明三年有成可以考功九載則  
能否幽明有別黜退其幽者升進其明也庶績咸興  
考績發明衆功皆廣

臣某曰舜既紹堯熙帝之載以請治天下者必  
先任人人有善惡必須審知故曰在知人在安  
民故曰知人則哲安民則惠黎民懷之苟不知  
人則賢愚善惡混淆不分蓋善惡不可並用惡  
人道長則善人道消當須屏去姦惡可以登用  
善良故其始也先去四凶而天下服然後咨詢



岳牧而用禹稷臯夔而下二十有二人天下大治又命龍作納言戒勅之曰朕暨讒訟殄行震驚朕師汝作納言夙夜出納朕命惟允讒邪之人專在譖毀善良舜深疾之納言喉舌之官出納王命必在忠信故舜受命而切戒之隋唐以來納言之名不改隸門下省至於本朝頗循唐制以待中為門下省官長侍郎為貳並為執政官所選益重必協僉論又曰三載考績三考黜陟幽明古之任官必在於久久則有功可以考其績効故先朝之法省寺監官並以三年為任循古之美法也義當遵守如其籍才不次任用則難拘常制臣學述荒淺不足以發明但以狂言聖擇冀有少補



文獻公文集卷第三十

右又命...

...

...

...

...

...

...

...

...

...

文集卷第三十二

陳乞

乞罷男機宜

臣男宣德郎守太子右贊善大夫管勾永興軍一路

安撫使司機宜文字恭祖昨以臣被詔赴關將帶隨

行結絕本司文字今並已了畢欲乞依例隨本使罷

任朝見歸班取進止

臣男恭祖慶曆中自鳳翔府簽判罷任赴闕臣

方在政府首尾五年並不令就羞遣今未忝陞

朝籍須逐日赴朝參與百官同幕次恐涉謗議



只欲令於審官院依例就一合入遠闕庶免逐日與趨朝官相接合其奏知

乞差使臣

臣隨行合差指使三員臣昨丁母憂已發遣使臣兩員歸班今却差侍禁葛宗望殿直呂世良充隨行指使所有逐人各係合入親民差使欲乞各理為親民差使取進止

其葛宗望呂世良並係免短使合入親民差遣人數乞依例各支與大添支請受

乞張熙恩澤

臣昨丁母憂河南府差教練使張熙管勾墳塋葬事首尾二年有餘幹事得力欲望朝廷量賜恩澤於本人牙職上遷補一資取進止

乞郭宣恩澤

臣有隨行教練使郭宣隨臣勾當近二十年有行止得力今者因臣忝恩移鎮欲望朝廷改補一三司大將名目且在臣處驅使取進止

乞門客張度恩澤

臣有門客教授張度累舉進士南省下第先於皇祐五年以臣奏薦蒙恩授試將作監主簿不理選限自



後本人又曾鑠應省下來兼係先朝皇祐二年明  
堂已前到省舉人合該免解欲望聖慈念其久歷科  
場家貧親老未霑才祿乞補一三班差使名目量與  
減年轉補借職取進止

請假劄子

臣昨暫請服藥假兩日伏聞特降中使就臣私第傳  
宣撫問臣已於今月二十六日早赴樞密院管勾本  
職公事訖謹具奏聞謹奏

已具狀附傳宣中使奏謝去訖

謝男貽慶拔授文資及章服表

元祐元年

臣某言伏蒙聖恩除臣男供備庫副使兼通事舍人  
同勾當軍頭引見司貽慶充奉議郎守尚書都官員  
外郎并賜緋魚袋者仍覩告詞謂老臣弼亮三世粗  
有微勤以愚息之拔文資特推寵命舉族知幸受恩  
若驚臣誠榮誠感頓首頓首切以朱紱身章文昌郎  
位皆為殊選悉昇非材仰戴丘山如臨淵谷此蓋伏  
遇陛下深仁育物道廣納荒旣不棄於非葑亦兼錄  
於闕闕致茲蒙陋過有忝塵敢不嚴以教忠勤於從  
政力著涓微之効仰酬覆燾之私臣無任

陳乞堂弟大同西京差遣



臣先准勅於西京立家廟四室臣多在闕下守官或外守方面則西京常有子弟三兩人在彼守官以奉家廟四仲祭祀命以臣諸子並丁母憂解官特服並無子弟在西京守官奉祀今有臣親堂弟朝請郎大同近因相州簽判得替欲望聖慈乞差充西京一合入差遣所貴家廟歲時得人奉祀取進止

### 奏程珣葬事

臣切聞太中大夫致仕程珣身立珣素履清介守分安貧久歷外任皆有聲稱身沒之後家事索然只有一子程頤素蘊學行見推士林向為邇英講官因緣義問陳治體上資聖政今其父之亡窘於襄事伏望聖慈特賜矜憫優與賻恤以周其急伏候進止

### 奏孫男扶掖

臣有長孫男右通直郎永世自来每遇臣入殿扶掖近蒙恩除權發遣提舉三門白波輦運公事奉聖旨令候扶掖了日朝辭今來本任闕官日久春運是時及已差官管押牌印到京多日臣近有以次孫承事郎康世自西京來迎接臣到京欲乞令康世暫權扶掖替永世交割管勾赴任取進止

奏富相公薨乞與免納馬價錢

元豐六年十一月



臣勘會武寧軍節度使行尚書左僕射同中書門下  
平章事鄭國公富某於今年閏六月二十二日因患  
身薨所有前後未納馬價錢見蒙省符催理今未佳  
罷請受無可赴納謹具劄子奏聞伏望聖慈下有司  
依例特賜除放謹奏

文潞公文集卷第三十二

文潞公文集卷第三十三

乞罷重任

御書批荅

皇祐元年

御近進乞解罷重任為遷葬事於私實便於公似有  
所妨今正使卿當其國政推誠委用君臣同體所求  
難從所便更不消再上封章乞退所請宜不允付文  
某

第一劄子

熙寧二年

臣伏蒙聖慈以臣上表乞解重任求領近郡特降宸  
翰封還臣章諭令勿再上者君父之命理當必從臣



子之志亦有所守臣蒙被厚恩忝塵近位豈欲輕  
軒輦自取踈外誠以年事衰晚精力減耗不能則止  
須合自陳若覲然尸祿必當瘞官析解樞衡願假符  
守庶寬職責稍息疲瘁惟陛下天地父母哀而憐之  
必賜開可無任

臣以非才久塵重任衰老疲薻力不勝任惟極至誠  
上干宸造必祈矜憫俯賜俞從雖更多言無易此懇  
豈敢啾啾徒煩聖聽切見知河陽陳述古到任已久  
臣雖愚短願假符守猶冀勉駑粗寬西顧臣無任

又  
并手詔  
封回

臣伏蒙聖慈以臣上表乞守外郡特賜批荅不允仍  
令斷來章及羞中使傳宣撫諭即時已附狀先具奏  
謝伏念臣於今蚤得對嚴宸且陳至懇必期天造俯  
從人欲豈謂犬馬微志未能回蓋高之鑑伏地循省  
但極兢惶臣被遇三朝豈敢輒圖安逸實以衰朽難  
當繁務庶得許從外補稍遂休養異時或委繁使豈  
措捐軀論報又以今茲表裏寧謐愚臣方敢陳請伏  
望聖仁憐察必賜俞從臣無任

又



臣累上章表罄竭至誠未蒙天慈矜察雖欲再三披  
露無易前懇固不敢重複煩言仰瀆聖慈然屢為詔  
旨伏積兢惶亦不敢輒自歸司敗涉於沾激今當待  
罪私門恭俟朝命萬一天慈矜恕俯徇愚懇許從外  
補稍貸疲駑則老臣蒙更生再造之恩不勝天幸謹  
具奏聞伏候進止

又

臣伏蒙聖恩特降中使封還臣今日所上劄子及傳  
宣撫諭便令供職者螻蟻微誠不能感動天意又以  
屢違詔旨退伏私居以待嚴譴雖至仁寬貸而未俞  
勤請區區所懷隕越無措臣愚尚冀天慈垂憫必從  
所欲假以外補稍寬疲菑情迫於中言無倫次臣不  
任惶恐候命之至謹具奏聞伏候進止

又

熙寧  
四年

臣伏蒙聖慈封還臣所奏劄子以臣陳乞外補未臨  
俞從仰味聖言伏增感懼切以犬馬之微猶知戀主  
况臣奉事尤右行將五年至仁涵容厚禮優假豈當  
輕去軒幄自取踈外直以衰老疲劣勉強不前覆餗  
是虞履冰加慄然每欲陳請必深愧畏內惟悃悃終  
冀矜從伏惟陛下天地大恩日月委照俯從所欲俾



守外藩勉其寸長尚可圖報臣無任

又五年

臣內訟非才久塵大任已瀝誠懇仰叩高明祈解樞  
機之近司并還將相之兩綬得以散秩假守使州必  
冀聖慈俯從人欲重念臣齒髮衰殘精力減耗不能  
則止自知甚明當退一也久妨賢路無補聖政當退  
二也賦性孤拙與時多違當退三也所當退者三而  
晏然尸位陛下聖明以臣為如何人天下清議以臣  
為不知止臣雖昏耄猶有肺肝夙夜以思不皇啓處  
恭惟天地至慈不使一物失所伏望函發俞旨俯遂

勸請臣無任

又

論

臣聞慈父不能愛無益之子仁君不能畜無用之臣  
如臣不才可謂無用臣自叨樞院首尾八年訖無敵  
為上贊述作官忝空土任居論道而無一論可裨聖  
政職兼常伯責在納言而無一言可回天聽加之衰  
朽寔以耗昏尸祿若斯覲顏至甚是致以傾懇惻存  
拜封章祈解樞機之近司并還將相之劇任得以散  
秩假守使州庶道人言逸妨賢路伏望陛下憐其舊  
物貸以寬恩未嘗曠官亟從所欲臣無任



又

臣伏蒙聖慈以臣乞解重任未賜俞可特降中使封還臣所上劄子并傳宣撫諭已具奏謝切今臣年齒衰殘難任樞務累年以來頻乞出補閑郡聖慈全度終未允從今以西事向寧及密院忝除副使臣方敢再申前請必望聖慈俯從所欲臣無任

又

臣以累具奏封乞解重任私居俟命未奉俞音荐從聖聽臣自前日入見陟降俯伏及歸私第左膝轉加腫痛欲望聖慈許臣在假五七日將息稍得平愈即當入見伏候進止

又

臣以衰老不才久玷樞院比年以來奏章數十上祈解重任乞從外補聖恩存錄未賜允俞盖犬馬微誠不能上動天聽日勉一日于茲八年精神內竭筋力外耗今以邊事寧息力伸前請必冀聖慈俯遂人欲臣復內訟才拙望輕精明不能洞機微重厚不能鎮浮薄於國之謀固多踈闊為臣之義自當退黜伏望聖慈憫憐舊物尚假寬矜終賜保全早從所欲臣不任



臣累乞外郡直以衰老無補勉強所難惟望聖慈矜貸許其均勞累蒙敦諭令赴朝供職雖出對天光口陳誠懇陛下必加存眷未容解去臣子之情仰荷宸意難以喑喑固辭湏至不避嚴誅有違聖旨俯伏私居必其得請臣無任

又 臣辭窮意切伏望聖慈早賜矜可

臣皇恐臣之至誠危懇備瀝於累章而天聽蓋高未賜俞允仍俾亟復其位未即奉詔伏深惶懼嚴誅重譴所不敢逃然臣所恃者聖仁如天必加矜宥是以不避再三之瀆猶敢控陳伏望憫臣久勞精力耗竭許從外補以保衰年臣無任

又 臣累具奏章乞外補未蒙俞可及連遣中使撫諭亟令供職愚誠懇切久不奉詔以是自訟俯伏待罪然猶仰恃聖慈必從所請臣無任

又 臣伏蒙聖慈特降中使封還臣乞外補并待罪劄子及傳宣撫諭已別具狀奏謝切念臣止緣衰老無堪



久妨賢路連章累奏罄竭懇誠必望聖慈特賜矜宥  
仍乞於冬至節假前蚤賜處分臣無任  
伏望聖慈矜宥蚤賜處分

又

臣丁章乞守外郡私居俟命于茲累詢今冬節假開  
伏望聖慈矜宥蚤賜處分

又

昨晚蒙降中使撫諭及封還臣所上劄子至夜即聞  
鑾學士院必謂已降指揮遂臣所請今即知是降德  
音於河隴臣今不避譴責私居得罪湏至再有陳請  
伏望聖慈矜宥

又

臣以齒髮衰殘精力減耗數年以來累乞解罷重任  
州守近郡聖慈念舊未忍遐棄愚衷雖切天意未從  
去冬伏蒙聖恩矜其疲薾許至今年同天節復聽從  
外補德音親被睿旨丁寧復云不湏上表即便踐言  
臣今更不敢別上章表仰瀆天聽伏望聖慈特申前  
命錄臣向時累奏許解重任假守近郡臣無任

又

臣伏蒙聖恩特降中使賜臣詔書以臣乞解重任外  
補近郡未賜俞允尋具狀奏謝伏念臣年齒衰殘精



力減耗內省尸素日虞曠敗數年以來懇求外補庶免妨賢而聖度含容未即選棄緣去冬懇請蒙聖慈憫勞俟至今年同天節後聽解重任許從外補且云不須上表便可舉行臣方敢再瀆天聰必期得請臣竊謂天子固無戲言王者必信出令伏望聖慈憫臣衰疲乞臣勤請臣無任

又

臣以去冬親被德音許至今年同天節後聽解重柄出補近郡仍云不須更上章表便可舉行定命臣所以祗具劄子自陳必謂便降俞旨今乃申遣中使特賜荅詔加以敦諭亟令復位即乖誠願深積兢惶須至別具表章再瀆宸聽庶期矜察乞從仍乞只據臣今所上一表早賜處分臣無任

又

臣丹誠至懇已罄竭於累奏更無可陳述惟仰告天慈憫其衰老許其外補聖言可復人欲是從臣無任

又

臣昨日隨表上千劄子再瀆天慈蓋臣之丹誠至懇已窮極布露更無可陳惟仰告聖慈天地父母哀而憐之俯察危衷許從外補臣無任



又  
被俞音今茲邊事既寧老臣必期得請祈天俟命願  
賜哀憐臣不任

文潞公文集卷第三十三

文潞公文集卷第三十四

乞致仕

劄子

臣以年齒衰老數年之間累上章奏乞致官政聖慈  
存念舊物未賜俞允今春以來尤加昏耗伏望矜其  
疲薻聽還印綬俾歸田里以保餘年臣無任

今年二月中蒙聖恩差入內供奉官馮景賜臣  
詔書不允所乞及不令更上文字臣尋附馮景  
口陳誠懇俟過同天節獻祝聖壽以表臣子之  
誠即當更上奏章乞致政不審馮景曾敢奏否



臣累乞致仕未蒙允從披露懇誠罄竭辭語惟望聖  
慈矜允聽還印綬許歸田間臣無任

今又二月甲申望恩差人內共奉旨賜景

臣於五月二十四日再上章及具手劄子陳乞致仕

臣至中夏以來頻傷炎暑時若腹疾伏望聖慈憫其

羸老聽還印綬許歸田間天地大恩於臣至幸臣無

任

又

臣累乞致仕未被俞音既緣迫切之誠難避再三之

瀆今輒繼陳章奏數冒天聽兼臣自夏以來暑氣所

侵腹疾時作雖欲勉強實難支持伏望聖慈俯詳累

奏蚤賜矜從聽歸田里臣無任

又

臣以未遂致仕之請乞納使相印綬求領宮觀伏望

聖慈憫臣衰老蚤賜指揮所冀三伏已前赴洛免冒

盛暑以保疲羸臣無任

又

臣大馬之年七十有五久當致政而章數十上未被

俞音迫於激切之誠須至再三之瀆臣今乞還使相



印綬求領宮觀職名所冀殘年稍遂休息况有成例  
伏望矜從臣無任

又

臣累上表章陳乞致仕伏蒙聖慈屢降詔旨曲加敦  
諭未賜俞從仍俾斷章不令復請臣今祗服丁寧之  
訓勉從夙夜之勞即欲繼上封章實恐頻致煩瀆然  
臣桑榆景晚犬馬力殫未遂掛冠深虞覆餗仰祈宸  
造俯察愚衷俾諧休退而歸庶全終始之節臣無任

又

臣累乞致仕未蒙俞可念臣桑榆景晚犬馬力殫德  
薄位高任隆責重非惟忝據已久寔亦勉強難任不  
避嚴誅仰工宸造伏望聖慈憫臣羸老聽還印綬許  
歸田廬臣今不敢以重複繁詞別具章表深恐煩煩  
聖覽止於直布危懇手陳至意所冀易聞天聽蚤遂  
俞音臣無任

又

臣伏蒙聖慈以臣累上奏章陳乞休退持差中使傳  
宣撫諭矜臣羸老察臣懇誠申以季秋之期當可露  
章之請此蓋陛下仁深化育道廣生成必以當盛夏  
炎燠之時非老者行役之際俾及秋杪使遂首塗上



戴鴻恩感極以泣臣也附表奏謝別且劄子布區區  
犬馬之誠臣無任

又

臣伏蒙聖慈特遣中使賜詔書丁寧撫諭以臣頻年  
上章累求致仕前後敦諭已極重複都不體諒者臣  
仰被宸旨俯積兢惶深味聖言復增感涕緣臣年衰  
位重已極滿盈福過災生日虞顛覆是以頻有干瀆  
懇祈退閑今蒙恩旨令臣少為逡巡且停來奏俟將  
來郊祀禮成當有處分重言如天炳若星日臣之所  
請休致今則有期更不敢繼上奏章味煩瀆甫過嚴

候

裡恭俟俞旨臣無任

劉御樂回附口奏

聖旨以某頻上章求致仕前後敦諭已極重複都不  
體諒者始初聞命深積兢惶然深味聖旨復增感涕  
蓋某年衰位重深懼滿盈之災遂致頻有干冒今蒙  
聖旨令某少為逡巡且停來奏俟過郊禮當有處分  
則某所請休致今遂有期更不敢繼上章煩瀆才過  
郊裡恭俟俞旨不支梁漣只清賦平語身竟未結外

候

隨表劄子

臣元豐中犬馬之年七十八先帝憫其疲老許以退



休伏自皇帝陛下太皇太后陛下臨政起臣於林不  
追赴闕庭仍俾平章重事昏耄非才固辭不獲今已  
三年有餘力所不支深慙尸素頻年請退竟未許從  
臣今年事比元豐中又益耄耄加之多病伏望聖慈  
意許從懇迫之誠遂其退歸之志臣等伏望聖慈  
蓋果年又臣等伏望聖慈  
臣以年過耄耄已具表并劄子懇禱保道者必望  
聖慈矜從臣以羸瘠自京至洛或驛難以乘坐檐子  
遠行切欲及此洛汴未凍間乘舟至洛稍得安穩伏  
兪旨便可促裝臣無任懇切祈天俟命之至

又

臣近上章并累上劄子懇乞伏蒙聖恩頻賜詔書敦  
諭未亮至誠緣臣年將九十固難任職但爵齒之高  
謂可表率多士而又德薄望輕不能鎮重風俗以此  
自度乃知素飭豈宜久處然臣之至懇切在乞身而  
歸得遂正丘之志其幸甚矣伏望聖慈憫憐其誠早  
賜兪旨臣等伏望聖慈

又

臣近累上表章劄子請休致已竭精誠惟望聖慈矜  
憫早賜兪旨從令臣得於洛汴未凍已前乘舟而歸使



疲老免陸行之勞臣本欲入對軒陛口陳至懇又以  
腹臙未寧未敢趨朝俟得請勉力入謝臣無任

又

蒙降批荅不允仍斷未章臣以詞情懇切累上奏章  
誠知煩瀆之過然臣衰疲不能任事惟望聖慈深賜  
軫憐必從其請遂其退閑臣無任

又

元祐元  
年二月

臣懇迫之誠已具累章上瀆宸聽念臣爵祿年齒皆  
極盈滿以致災患嬰疾未平伏望聖慈特垂哀察仍  
乞不候批荅臣所上累表便賜俞旨蚤得去位庶免

疾顛以全衰朽臣不勝激切俟命之至取進止

又

臣歷觀前代輔相之臣勲德重望為時倚賴者及其  
老或病乞身以退時君憫勞矜老多遂其請所以全  
人臣進退之禮敦君父始終之恩如唐之房杜姚宋  
裴度輩可謂賢相時之倚重而宋璟裴度以老疾求  
退皆遂其請且云成人君養老之恩臣以非才不敢  
比於前賢徒以遭逢聖世忝竊過分又其年過耄耄  
必望聖慈矜憫許其退歸臣無任

又

元祐  
二年



臣自去年秋冬及今年夏秋以年老疲薈累上章乞退未蒙允許乞候興龍節後必望矜從今已經聖節上壽禮成伏望聖慈察臣懇誠許臣乞骸歸老臣不敢別具表章慮煩瀆天聽伏乞蚤賜矜允臣無任

又

臣以衰老不任職事不避煩煩聖聽今蚤已入劄子乞退歸丘園臣之情誠極於迫切緣桑榆之景垂盡鍾漏之期不永安甯任重致遠惟望聖慈憫其疲薈乞與骸骨使遂首丘之望臣於私第日俟俞音臣無任

又

臣以衰殘久爾尸素貢誠懇乞歸林泉私居俟命未  
被俞音諸司以奉旨不接臣文字須至乞對口陳至  
誠必望聖慈濬發德音亟從所請臣無任

又  
元祐  
二年

臣以衰老連年懇求休退近上劄子乞歸蒙聖恩賜詔未獲俞從愚誠迫切啓處不遑念臣新年八十三歲桑榆晚景固無幾何勉強疲癯誠難支久臣切以度之裴度一代宗工夷夏具瞻年未七十曾平章重事尚止留京師裁及百日遂得請而退如臣之虛薄



忝冒聖恩至優極厚伏望太皇太后陛下皇帝陛下  
察臣危懇許賜退歸臣無任

又

臣伏蒙聖恩賜詔敦諭以御戎之策未有定議京東  
西河朔荐飢切在圖議臣切以太皇太后陛下臨御  
以來德澤霑洽人心歡泰廟堂哲輔皆陛下高選訐  
謀獻納萬務畢舉而老臣昏拙廁於其間一無裨補  
但勉強疲駑焉能支久伏望太皇太后陛下天地父  
母哀而憐之乞與殘體俾從休退旦暮之人豈復望  
丘園之樂臣無任

又元祐四年十月十八日

臣戴瀝危誠上干震聽伏念臣自熙寧元豐間累乞  
休致前後凡八九年蒙先帝哀憐許以謝事退歸林  
下曾未三歲伏遇皇帝陛下太皇太后臨御之始起  
自田里已逾八十累蒙詔旨甚嚴敦迫上道俾之平  
章重事弗獲固辭迨今年尸素已甚奚自被命而  
來繼乞退歸前後章數十上未蒙矜允而臣年益篤  
老智力皆殫念終無補報萬一加之連年多病昏耄  
弗支近者兩上封章七具劄子再乞致仕天聽未回  
仍不許收接文字區區愚衷無以自達僥倖逾月復



又十二月

臣近以年齒昏老久尸重任力不能強義無可留已具劄子再伸前請乞遂休退亦當由印聖慈具陳懇款仰祈哀憫必賜矜從伏望速降俞旨不敢更煩詒論臣無任

臣累以具劄于陳乞致仕日夕俟命至今未蒙俞旨念臣誠懇迫切前後所陳固已備極不避煩瀆聖聰

臣累以具劄于陳乞致仕日夕俟命至今未蒙俞旨念臣誠懇迫切前後所陳固已備極不避煩瀆聖聰

過與龍誕節幸遂稱觴常諧得謝之期懇迫之情輸

竭已盡臣今更不敢別具表章上瀆而况陛下眷留

老臣前後恩禮已極亦不敢更煩詒論伏望聖慈哀

憫亟降俞旨許遂退休激切之誠旦夕俟命

今年過明堂大禮累陳乞休退未蒙矜可尋奏

自田乞候過興龍節上壽伏望聖慈矜憫疲癯早令

休退

又十二月十八日

臣昨過明堂大禮陳乞休致未蒙矜可尋乞候過興

龍節上壽今已具劄子奏上伏望聖慈必賜允從

又十二月十九日

臣已具劄子奏乞解罷重任復致官政具述四年之

間章數十上誠懇殫竭年過耄耄力難勉強兼蒙聖

恩眷留前後禮意備至更不敢別具表章只乞亟降

俞旨臣昨日入對面告聖慈激切之誠控陳已盡義

無可留必望哀憐老臣由垂矜允聽遂乞身之請俾

全始終之恩臣見今居家日夕俟命伏乞蚤賜處分

期於得請乃已伏望皇帝太皇太后陛下天地父母

哀而憐之亟發德音特垂矜允臣無任

又十二月二十日

臣無任



臣已四具劄子陳乞致仕誠懇罄竭得請是期臣見  
今家居俟命日夕以覬仰惟聖慈必諒哀懇伏乞早  
賜俞旨臣無任

又十三日

臣近者累具懇誠再申前請乞辭重任復遂退休并  
嘗入對仰叨聖慈鑿陳悃悃伏蒙皇帝太皇太后察  
其至誠憫其篤老特降詔書俯垂矜允仰荷終始保  
全之賜實踰天地父母之恩奉誠諭言不勝感涕臣  
前具奏聞俟至後月汴洛水善乘舟西歸今已恭依  
詔旨少留至二月上旬啓行欲望聖慈速賜降制處

分臣今家居日夕俟命下入謝以叙感恩荷戴之誠  
臣授命之後告謝正謝禮畢尚當數次入對方  
敢朝辭以盡犬馬戀主之誠兼正月假日甚多  
比謝辭禮畢已及春和伏望旦夕先降制命

又五月初五日

臣以羸老累乞退休伏蒙聖慈哀憐特降詔書許至  
春和當從所請今已春和日俟降制伏望聖慈蚤賜  
處分臣無任

又三月初十日

臣累乞休退已蒙聖慈矜許居家俟命今已累旬伏



望聖慈蚤降處分况氣候暗和舟行便於羸老臣無任

乞蚤賜付外施行

此劄子不降出十五日降麻除兩鎮致仕仍加

食邑實封

文潞公文集卷第三十四



